

## → WILAYAH

# Duta Jauhar 4.0 disertai 38 kumpulan

[FOTO DUTA JAUHAR]



Antara peserta yang menyertai Program Duta Jauhar 4.0 2017.

→ 1,605 pelajar dari 33 universiti awam, swasta ambil bahagian

Oleh Junita Mat Rasid  
junita@bh.com.my

► Johor Bahru

Program Duta Jauhar yang diadakan sejak empat tahun lalu setakat ini disertai oleh 1,605 pelajar dari 33 universiti awam (UA) dan swasta.

Program itu adalah cetusan idea Menteri Besar Johor, Datuk Seri Mohamed Khaled Nordin dalam membangunkan sosioekonomi rakyat negeri ini menerusi pembabitian mahasiswa Johor dan swasta seluruh negara.

Inisiatif itu adalah pengiktirafan besar kerajaan negeri kepada golongan siswa yang diyakini boleh menyumbangkan idea kreatif, inovatif dan sumber tenaga bagi menjayakan agenda pembangunan masyarakat serta negeri.

### 38 kumpulan dipilih

Pengurus Korporat Yayasan Pelajaran Johor (YPJ), Sahrudin Manas, berkata bagi penyertaan pada tahun ini, sebanyak 38 kumpulan daripada 30 UA dan swasta dipilih untuk menjadi Duta Jauhar 4.0.

Katanya, kumpulan terbabit

### Info

### Dikelolakan YPJ

→ **Menerusi Duta Jauhar**, mahasiswa terpilih diangkat menjadi ejen yang menghubungkan kerajaan negeri dengan masyarakat.

→ **Peserta** melaksanakan projek beri manfaat kepada pembangunan sosioekonomi masyarakat di setiap daerah.

→ **Kumpulan sasaran** pelajar, belia, usahawan, miskin tegar, masyarakat Orang Asli serta ibu tunggal.

akan melaksanakan program berkonsepkan keusahawanan sosial meliputi 10 daerah di Johor.

“Antara program yang bakal dilaksanakan adalah projek canting batik oleh siswa Universiti Kebangsaan Malaysia (UKM), inovasi jagung (Universiti Utara Malaysia) dan inovasi teknologi tanaman cendawan (Universiti Putra Malaysia).”

“Pelaksanaan program ini dijangka bakal memberi manfaat kepada golongan sasaran yang terdiri daripada generasi belia, suri rumah, ibu tunggal, asnaf dan peneroka FELDA,” katanya kepada

BH, di sini semalam.

Sahrudin berkata, setakat ini program Duta Jauhar mendapat sambutan menggalakkan daripada masyarakat, malah pelaksanaan program Duta Jauhar: Part Of Me yang diadakan pada Februari dan Mac lalu mendapat kerjasama yang baik daripada masyarakat, serta wakil rakyat setempat.

Katanya, sebanyak 48 projek kesukarelawan Duta Jauhar: Part Of Me sudah dilaksanakan bagi memastikan mahasiswa dan masyarakat bergerak sebagai satu komuniti yang mampan ke arah Johor Berkemajuan.